

# DISCOVER

*(Bible Ralchhan)*

Zirlai - 22  
Pathian Rorêl Dân A Dik Em?

**K**hawpui laili tak, choka dawhkâna naupang pakhat, lehkha zirlai chu misual silaimu kal sual chuan a rawn fuh a, a thi ta a!

Tin, khawpui pâwna awm mi la valai tak pawhin thisen inpêk chhâwn aţangin a fa pawm lai chuan AIDS natna a kai tih a hmu chhuak bawk a.

He khawvêlah hian manganna hi englai pawhin an thleng reng mai a ni. Chungte chu sawifiah phâk loh leh thilung vit ngawih ngawihthe an ni. Chuvâng chuan hêngte lo awmna chhan hi hriat pawh kan châk a ni.

#### A CHHANNA DIK DANGLAM NGAILO :

Lehhabu ziaktu, Alister MC Grath-a chuan, “Khawvêl awmze neilo, tawrhna leh thihna kârah hian khawiah nge Pathian chu a awm le? Pathian chu vânah a awm mai thei a, a nih loh leh hetah hian em ni ang?” The Mystery of the Cross (Grand Rapids: Zandervan, 1988) P 107.

Pathian chu a felin a dik a ni tih chianna tam tak kan nei a. Sâm ziaktu chuan tihian min hrih a ni.

**“Felna leh rorêlna fel hi a ngaina thîn a; leilung hi LALPA ngilneihnain a khat a.” Sâm 33:5.**

Hei hi a dik a nih chuan engtin nge Pathian chuan khawvêl chu dik taka a rêl ang? Engtin nge tawrhna leh vânduaina te chu a tihtâwp ang? Hun khirhte kaltlang theihna tûra chakna leh chhelna chu min pe thei tih kan hria a, mahse hun khirh chu awm reng tûrin kan duh lo a ni.

Avaia chinfel vek kan duh a ni. Leiverh piah lama engfiah tak chu hmuh kan duh a ni( kan hmuh phak loh fiahna chu kan duh a ni.)

He kaihhruainaah hian Pathian chua سوالنا leh tuarna a tihtâwp dân tûr i hre thei ang. Chu chu a tih hun chuan lei leh vâna awm zawng zawngte chuan Pathian thu a dik a ni tih an sawi thei vek ang. Thupuan,

Bung 20-na chuan engtin nge tih leh engtikah nge hêngte hi an thlen ang tih min hrilh a ni.

1. KUM SANGKHAT CHU TIHLANIN A AWM TA.

Thupuan 20 na hian Krista lo kal zuitu kum 1000 hun chu a khar a. Kum sâng chhûnga thil thlengte chuan he khawvêla sual a luh aţanga Krista leh Setana inkâra indona chu a titâwp dâwn a ni.

Vâna inhniálna chu Luciferan Krista a thîk aţang khân a inţana, chu chuan vâna vântirhkoh suallote nêna indona, a ţan a, tichuan Lucifera chu kan khawvêlah hian a lo tlanche ta a ni. He inhniálna hian he khawvêla Eden Huan thlenga chhun zawmin kum za tam tak a aw h a. Tin, a tâwpna vawikhatna pawh Setana chuan Krista chu mihringte a khenbehtîr khân a thleng a ni. (He thu lungchhiat thlâk tak hi kawhmuhna thumnaah khân i thlîr nawn leh duh mai thei.) He inhniálna hian a vâwrtâwp tak tak chu kum 1000 ral huna kan khawvêl sual hi tihfaia Krista thunei hna hnuai a awm hunah a lo thleng dâwn a ni.

Thupuan Bung 20 chuan he kum 1000 chhûng hi thawhle hna pahni hna ţanin a tâwpna an siam thu a entîr a. Kum 1000 tîra thawhle hna hmasaah chuan mitthi tute nge Pathianin a kai hthawh?

**“Thawhle hna hmasa bera telte chu an eng a thawl in an thianghlim a ni; chungho chungah chuan thih hni hna chuan thu reng a nei lova, Pathian leh Krista puithiamte an ni ang a, amah nê n kum sângkhat rorêlin an awm zâwk ang.” Thupuan 20:6.**

Engthawl a thianghlim, Isua an chhandamtua pawmte chu thawhle hna hmasa berah chuan an tho dâwn a ni.” Isua ruala kum 1000 rorêl tûrte chu kum 1000

ințannaah chuan an thawh leh tawh a ngai a ni.

Amaherawhchu tute nge kum 1000 tâwpna, Thawhlehna vawihnihnaa thote chu?

**Mitthi dangte erawh chu kum sângkhat chu a vei hma loh chuan an lo nung rih lova.” Thup 20:5.**

“Mithi dangte” tih hi misual thitate kha an ni; a chhan chu mi ța Isua an rin avânga chhandamte chu kum 1000 ințannaah thawhlehna hmasâah khân an tel vek tawh si a.

Chuvângin kum 1000 chhâng hi chu thawhlehna pahnihin a karcheh a, chungte chu Isua lokal a mifel thawhlehna leh a tâwpa misualte thawhlehna inkarah chuan a thleng a ni.

## 2. KRISTA LO KALA THO LEH TE.

Mi felte thawhlehna chu Isua lo kal leh huna thleng tûr a ni.

**“Lalpa ngei chu au thâwm nêh, vântirhkeh chungnung ber aw nêh, Pathian tawtawrâwt ri nêh, vân ațangin a lo chhuk dâwn si a; tin, Kristaa thi tawhte chu an tho hmasa ang a; chumi hnuah chuan keini nunga lo la awm rengate hi boruakah Lalpa hmuak tûrin anmahni rualin chhâm zingah te khian lak chhohvin kan awm ang; chutichuan kumkhuan Lalpa hnênah kan awm tawh ang.” 1 Thess 4:16,17.**

Isua chu he leia a lo kal leh hun chuan, Kristaa thi tawhte chu kaithovin, mi ța lo la damte rualin a hnênah vânah a hruai haw dâwn a ni (Johana 14:1-3). Chutih hunah chuan mifel zawng zawngte chu a tidanglam ang a, tichuan sualna nei lo leh chatuana nunna nei an ni tawh ang; chu mi avâng chuan natna an tuar tawh lo

vang, an tarin an thi ngai tawh bawk hek lo vang. (1 Korinth 15:51-53).

A nih leh, Isua lo kal laia, misual dama lo la awmte chu engtin nge an awm ang? Sualna chu an la neih reng avâng leh Krista chu an pawm loh avângin, Pathian hmaah chuan an nung thei lova chuvângin Krista lo kalna êng chuan a chhun hlum ang. (Luka 17:29,30, 2 Thesslonika 2:7,8). (Krista lo kal huna thil lo thleng tûr chungchâng sawina, kawhhmuhna 8-na hi i thlîr nawn leh duh mai thei a ni.)

### 3. SETANA LEIA KUM SANGKHAT PHUAR.

Kum 1000 hun a lo thlen chuan mifelte chu vânah an lawn vek tawhin misualte pawh Krista lo kalna êng chuan a chhun hlum vek tawh a. Chutichuan khawvêl chu kum 1000 chhûng hian engtin nge a awm ang?

“Tin, vântirhkoh leilâwt chahbi leh khaidiat lianpui kengin vâh ata lo chhuk ka hmu a. Tin, drakon, rulpui tar chu (chu chu Diabola leh Setana a ni) a man a, kum sângkhat atân a phuar a, leilâwtah chuan a paih lut a, a khar khum a, kum sângkhat chu a vei hma loh chuan hnam tin a bum leh tawh lohna tûrin a châr hnan ta a; chumi hnuah chuan rei lote atân chhuah leh rih tûr a ni.” Thupuan 20:1-3.



Isua lo kal hun chuan Setana chu kum 1000 chhông phuarin a awm ang. Setana chu khawiah nge dah (tântîr) a nih ang? “Abyss” hmunah dahin a awm ang. Greek tawng chuan he hmun hming Abyss hi “thuk tak” emaw “mawng nei lova thuk” tihna a ni. “Abyss” hi hmanlai kristiante awm hma Septuaginah a chuang a. Septuagin hi Thuthlung Hlui Hebrai tawng ațanga lehlin a ni. Genesis 1:2-a “Abyss” hi Septuagin chuan khawvêl siam hmâa lei pianhmang sawi nân a hmang a ni. Chuvângin kum 1000 chhônga Pathianin Setana a tântîrna tûr hmun Abyss chu kan lei hi a ni.

Pathian thu chuan Setana chu khaidiat lian taka phuarin min hrilh a. Hei hi khaidiat tak tak a ni em? Ni lo. Hei hi entîrna(symbol) a ni. Thil awmdânin emaw, loh theih lohna emaw a tântîr a ni. Tuemaw thil tihsak kan duh a mahse a rem chang thei lova, “Tânpuî” che ka duh a, mahse ka hman ngang si lova,” tih ang deuh hi a ni.

Setana pawh hian kum 1000 chhông hian mite chu buma tihrehawm zui zêl pawh a la châk ngawt ang. Mahsela thil awmdânin a phuar si a. He mi chhông hian vâna mifelte chu vâna an awm vek tawh avângin thlêm tûr an awm tawh lova. Chutiang bawk chuan misualho chu thi a, thlâna (lei hnuaia) an mut vek tawh avângin hruaikhâwm tûr a nei tawh bawk si lo. Tichuan Setana chu tuma awm tawh lohna lei sawprawp. Tumah a thuhnuai tûr awm tawh lohna hmunah chuan a vak ta mai mai a ni.

Kum 1000 hun a ral hma chuan hnamte chu a bum tawh lohna tûrin lohtheih lohna (circumstance) in a hrêkbet tlat ta a ni. (Thup 20:3).

Hetah meuh hi chuan Setana pawh, kha leh chen Pathian a dona hun tâwpah a awm tan ta. A nungchang

sual chu a danglam chuang tawh lova. Ama vântirhkohte nêen chuan kan khawvêl سوالنااه hian hrenbehin an awm ta a ni. Tumah bum tûr leh thlêm tûr a neih tawh loh avângin khawvêl ruakah hian a vak vêl a, kha leh chen mite thinlung a tihnatte, vânduaina a lo thlen thînte pawh a ngaihtuah a ni.

#### 4. MIFELTEN MISUALTE CHUNGAH RO AN REL.

Kum sângkhat chhûng chu rorêlna hun a ni ve tho. Chu rorêlna chuan chhawng (bung) li a nei a.

1. Isua lo kal vawihnih hmâa mifelte chung a rorêlna.
2. A lo kal vawihnihnaa mifelte lawmman tûr.
3. Kum 1000 chhûnga misualte chung a rorêlna.
4. Setana leh a ho misualte chung a kum 1000 rala thleng tûrte (I duh chuan kawhmuhna 13-na 1-na leh 2-na chungchâng sawina, rorêl lâwkna leh mifelte lâwmman chungchâng hi en nawn leh rawh). Tin, tûnah chuan rorel chhawng 3-na leh 4-na a rorêl lâwknaa misualte chanvo kan thlîr thei tawh ang.

Krista lokal hun chuan mifel thlâna awmte chu an lo tho dâwn a ni tih thu kan sawi tawh a, tin chungte leh mifel thlâna awmte chu an lo tho dâwn a ni tih thu kan sawi tawh a. Tin, chungte leh mifel dama lo la awm chuan he khawvêl hi kalsanin Pathian chênna paradisa-ah chuan Krista leh a vântirhkohte nêen an awm tawh ang. Kum 1000 chhûngin vânah chuan eng nge mifelte chuan an tih ang?

**“A nih leh mi thianglim te chuan, khawvêl an ngaihtuah dâwn tih in hre lo an ni le? .... vântirhkohte lam pawh kan ngaihtuah dâwn tih in hre lo em ni?” 1 Korinth 6:2-3.**

**“Tin, lalthutphahte ka hmu a, a chungah mi an thu a, a hnênah chuan rorêlna an pe a; tin, Isua hriattîrna thu avâng leh Pathian thu avânga lu tante thlarau leh Sakawlh leh a lem chibai bûk lo va, an chalah emaw an kutah emaw chhinchhiahna nei lo te thlarau chu ka hmu bawh a; chungho chu an lo nung a kum sângkhat atân Krista nên rorêlin an awm a.” Thupuan 20:4.**

Kum 1000 chhông hian mifelte chuan misualte, vântirhkoh, tlu tate leh an hotupa Setana chanchin chu an en nawn dâwn a ni, martar te, indonaa hnehtute leh chanchin Tha avânga hliamna ser la pute tân chuan hêngte enfiaha misualte chungchânga Pathian rorêlna hriat nân a rem châng ngawt ang.

Pathian chuan misualte chungah a thiltih dânte hriatpui ve theihna tûrin mihringte chu hun remchâng a khawngaihna an pe a. He khawvêl sual tak hnuaia chen hahthlâkziate kan hria a, hêng mite nân hian nitin kan chêng hova. Zawhna pawh tam tak kan zâwt mai thei a, chung zingah chuan, “Engtizia nge ka thenawm pa kha a tel ve hauh loh chu le? Pa tha tak nia a lan vei nân?” Emaw, engtizia nge ka nî chu a tel ve miah loh? Chutiang zawhna zawnge zawngte pawh chu he rorêlnaah hian chhan vek a ni ang. Mitthite chu an thiltih engkim lehkhahua chhinchhiah an nih ang zêla an chungah rorêl hun chuan (Thupuan 20:12). Mihringte chungchâng a ngaihtuahnaah hian Pathian chu mitin chungah a dik a ni tih keimahni ngeiin kan hmu dâwn a ni. Seminary of Professor pakhat chuan mak a tih zâwnge tak zawhna “Vânah chuan mittui tlâkna a awm dâwn a ni tih hi in hria em? tiin a zirtîrte chu a zâwt a. Mahse zirlaite chuan a dikleh dik loh an hre chiang mang lo deuh tlat mai a, chuvâng chuan hetizâwnge hian Professor chuan a han sawifiah ta



a. Mifelte chuan kum 1000 chhûngin vânah an thian leh hmangaih chhandam ni ve lote chungchâng an rêl dâwn a. He mi hun hi hun hrehawm tak (eng nge maw ti zâwng tak chuan) a ni ang. Mitin mai hi chhandam ni tûra Pathianin duhsak taka a sâwmna aţanga a kalbo dân pawh kan hmu vek dâwn a. Tin, Thlarau Thianghlim chuan mite chu Pathian duhzâwnga intulut tûra hun ţha tam tak a pêk dânte pawh kan hria ang. An chungchâng sawina thu te pawh a dik vek dân tihlan vek a ni ang. Lungngaihna hun a awm ang. Amaherawh chu thil a nih ang ang a nih hnuah chuan a mit ata mittui zawng zawng Pathianin a hrufai dâwn a ni tih hriatna kan nei,” tiin. Thup 21:4.

#### 5. KUM 1000 RALA SETANA PHUARNA PHELH.

Kum 1000 ral hunah chuan rorêlna chu peih a ni ta a.

**Tin, khaw thianghlim Jerusalem thar chu, mo a pasal ela a inchei anga peih diamin Pathian hnêna mi vâh ata lo chhuk ka hmu bawh a.” Thup 21:2.**

He khawpui mawi tak, a kawthlêr pawh rangkachak a siam leh a kawngkhâr tuikeplunga siam, Pathian fakna lantîrtu chu, kum 1000 chhûnga kan in chu a ni phawh a, tichuan chu khawpui chu Krista leh a chhandamte a chhûnga cheng chungin vâh aţangin leiah a lo chhuk dâwn a ni. Tichuan engtin nge ni ta zêl ang?

**“Mitthi dangte erawh chu kum 1000 chu a vei hma loh chuan an la nung rih lova.” Thup 20:5.**

“Mitthi dangte” tih chu misual thi tawh te kha an ni; a chhan chu (Kum 1000 rorêl inţan dâwn a) thawhleha hmasa berah khân mifel thite chu an tho vek tawh a, kum 1000 ral a thawhleha vawihnihnaa thote hi

chu misual thite chauh kha an nih tawh vâng a ni.

A nih leh kum 1000 tâwpah hian Setana chuan eng nge a tih tak?

**Tin, kum sângkhat chu a vei hunah chuan Setana chu a tâna ata chu chhuahin a awm ang a, lei killîa hnamte, Goga leh Magoga chu buma indonaa hruaikhâwm tûrin a kal chhuak ang; chungho tamzia chu tuifinriata tiauvut ang mai an ni. Tin, lei vanglam dapin an kal chhova, mithianghlimte riah hmun leh khaw duh awm tak chu an hual ta a; tin, vên atangin mei a lo tla a, anni chu a kangral ta a.” Thup 20:7-9.**

Mifelte chu khaw thianghlim nêna leia an lo chhuk a, misualte pawh an lo thawh leh hunah, Setana chu chhuahin a awm ang. Tichuan misual leh tûr a neiin beih tûr mifelte a nei leh ta a. Hun khawhral lovin misualte chu namên lovin a hruaikhâwm ta a ni.

Hei hi Setana tân chuan hun tha ber a ni. Khaw thianghlim chu hung a ni si lova, a chhûnga mite lah chuan hriamhrei an nei bawk si lo. Hneh taka a hausakna zawng zawngte chu chhuhsak vek a tum a, mifelte ai chuan a hote chu an tam zâwk daih avângin hnehna chu an ta sa a ni mai tiin a hote chu a rintîr a.

Khawvêl pian tîr atanga eng hun lai pawh khân Setana chuan sipai râl beih dân thaber chu a hmang thiam êm êm a ni. General tam tak mi ram lo la tawhte chuan a sipaite chu an hmang thiam êm êm a ni. Science lama mithiamte pawhin a runpuia (a hlawpa) mi tihlum dân pawh an siam thiam êm êmbawk a ni. Thawhlehma vawihnihna hi chuan a taka thil lungngaih thlâk tam tak a siam chhuak ta a ni; an thihna atang khân misualte chuan danglamna engmah an nei lova, tum dân thuhmun leh an duhâm dân pangngaiin an thlân atang khân an lo tho leh a ni.

Atâwp atâwpah chuan, Setana chuan chu khawpui chu bei tûrin thu a han pe ta a, mipui chhiarsen lohte chuan an sipai thil thiam tha lutuk hmangin, he khawpui, a pâwn aţang pawha phe chuai chuai mai chu an khawpui atâna lâk an rawn tum ta a. Setana leh a hote, misualte chuan Jerusalem thar chu an hual ta a, hei hi Isuan sual anchhe lak aţanga mihringte chhandam nâna a thilsiam tihchiat theihna hnuhnung ber chu a ni. Chutia Jerusalem thar an han hual chuan, thu dik hlauhawm tak mai chu an thinlungah a lo lang ţan ta. “Pâwna awm kan ni, pâwn thima a awm kan ni,” tiin, misualte chuan Krista hnartu nih a râpthlâk zia a takin an hre ta.” Chatuana borala awm râpthlâk zia chu.”

#### 6. ROREL TAWPNA

Hetah hi chuan a hmasa ber leh a tâwp nân, mihring zawng zawngte chu hmaichhanin an in ep ta a ni. Isua chuan Pathian chhandam fa khawpui chhûnga mite chu a hruai a, Setana chuan chhiarsên loh misual khaw pâwn lama mite chu a ho bawk a. Chutih lai tak chuan, Pathian chuan a rorêlna tâwp lam chu a lo tí mêk a, rorêlna hmâah chuan misualte pawhin an chan tûr rêlna nî chu an thleng ve ta!

**“Tin, lalţhutphah lianpui vâp tak leh a chungathu ka hmu a, a hma ata chu lei leh vâp an tlan bo va, an tân hmun reng a awm ta lova. Tin, mitthite alian atein, lalţhutphah hmâa ding ka hmu a, tin, lehkhavute an hawng a, tin, lehkhavudang, Nunna Bu chu an hawng bawk a; tin, mitthite chu lehkhavutea zia an thiltih ang zêla rêl sakin an awm ta a. Tuifinriat chuan a chhûnga mitthi awmte chu a chhuahtîr a. Thihna leh mitthi khua chuan an**

**chhûnga mitthi awmte chu an chhuahtîr bawk a; tin, mitin an thiltih ang zêla rêlsakin an awm ta a.”**  
**Thup 20:11-13.**

Misualte chu dikna lalthutphah hmâa an han din meuh chuan, an awm dân zawnz zawnz chu an hmâah chuan a lo lang ta vek a. Vâna chhinchhiahna bu atang chuan, Rorêltu dik, Isua chuan, ahmei apa mihring thi tawh, mihringte leh vântirhkohte chanchin famkim chu arawn tilang ta vek a.

Lei leh vâna chuan hei hi hmuhnawm ti êm êm in an lo thlîr a, Pathian lalthutphah hmâa ding Isua chuan mitin a chhandamna kawnga a thiltih dân zawnz zawnz chu arawn lantîr a. Chutah meuh chuan boralte zawnz chhandam tûrin Isua chu a lo kal tak zet a ni tih chu a lantîr ta a ni.

Kan khawvêlah hian mihring taksa puin a lo kal a, harsatna leh thlêmna kârah, sual lovin a nung a, a tâwpah chuan kan tân krawsah a thi a, tânah kan tân vânah Puithiam hna a thawk a ni. A tâwp khawkah, lungngai takarawn pen chhuak a, a tâwp thlenga a khawngaihna hnartute chung a rorêlna chu arawn puan hun chuan, lei leh vâna awm zawnz zawnz chuan a tâwp khawkah, Pathian thiltih dân hi a dikin a tûl a ni tih an hriatpui ang.

**Pathian rorêlna thutphah hmâah kan vaiin kan la ding dân si a. Lalpa chuan, “Mitinrêng ka hmâah an kun ang a, lei tinrêng Pathian hnênah a inpuang ang.” Rom 14:10,11.**

“Tin, mihring ang a lo awmin, a (Krista) in ngaitlâwm a, thi khawp hiala thu zâwmin a lo awm ta a; kraws-a thihna ngei chu. Chumi avâng chuan Isua hmingin mitin vâna mite, leia mite leh lei hnuaia mite nêan an thingthit nân leh Pa Pathian tihropuina tûrin, "Isua Krista chu Lal a ni," tiin lei tinrêngin

**a puan nân. Pathianin a ni chu nasa takin a chawimawi ve ta thung a. Hming zawng zawnga hming chungnung ber chu a pe ta a.” Phil 2:8-11.**

Sual a lo awm aţang khân Setana chuan Pathian chu sawichhiain dik lovah a puh a, mahse tûnah chuan chung zawng zawngte chu hrilhfiain an awm ta a, buaina zawng zawngte pawh tihkianin an awm ta a ni. A tâwpah chuan amah Setana, a khingtu ngei chuan a thiamthu a sawi ve ang. Tûnah chuan lei leh vâna mi zawng zawngin chu chu an hria ang a. Rorêlnaah chuan Isua, Pathian Berâm No chu hmangaih leh chawimawi tlâk a ni tih a lang a. Hla ropui tak chuan, “Berâm No talh tawha chu fak tlâk a ni,” tiin a sawi a ni.

Pathian thiltum leh ruahmanna zawng zawng chu tûnah chuan tihlan vek a ni ta a. Pathian thatna pawh fiain a awm ta a ni.

**“Tin, vâh leh lei chung leh lei hnuai leh tuifinriat chung a thil siam tinrêng awmte leh, chungho chhûnga awm zawng zawng ten, Lalhthutphaha thua leh, Berâm No hnênah chuan Malsâwmna te, chawimawina te ropuina te rorelna te chatuanin awm rawh se,” an tih ka hria.” Thup 5:13.**

Chhandamte chauh nilo vântirhkoh sual leh Setana thlengin, Setana kawng chu a dik lo va Pathian kawngte chu an felin an dik a ni tih an hria ang. Mi zawng zawngin duhamnain hlim lohna leh lungawi lohnaah a hruai lut a, chutiang nun chu awm tlâk a ni lo tih an hre vek ang.

## 7. SUALNA CHUAN A TAWP A THLENG TA

Setana leh a hote chuan Pathian chu a dik a ni tih hre mahse a thinlung chu tihdanglamin a awm chuang lova, an nungchang pawh a ngaiin a la sual tho. Rorêlna

thutâwp chu puan anih hnu chuan misualte chuan an chan tûr râpthlâk tak chu an hmu tawh dâwn a ni.

**Tin, lei vânglam dapin an kal chhova, mithianghlimte riah hmun leh khaw duhawm tak chu an hual ta a; tin, vân aţangin mei a lo tla a, anni chu a kang ral ta a; Tin, anmahni bumtu Diabola chu sakawlh leh zâwlnei der awmna, mei leh kât dilah chuan an paih ta a, tichuan a chhun azâna nghaisakin an awm ang. Tin, thihna leh mitthi khuate chu meidilah a paih a, chu chu thih hnihna chu a ni mei dil chu. Tu hming pawh nunna Bua ziak an hmuh loh chuan mei dîlah an paih bawk a.”**  
Thupuan 20:9,10,14,15.

Rorêl tâwpnaah chuan Pathian chatuan meialh chuan sualna leh luhlul taka zâwmtute chu a tiboral ang. Setana leh Krista chhandamna hnartu zawng zawng te chu he thihhnhinaah hian an boral ang. He thihhnhina aţang hi chuan dam chhuah lehna a awm tawh lovang. An helna chuan misualte chu hlimna tluantling hmu pha ve tawh lovah a siam a, chuvângin Setana leh a hote zînga tihboral in an awm a ni. Vâna mei chuan leia soal hnathawh leh a zungzâm zawng zawngte chu a kâng fai a, Pathian chuan lei leh vân zawng zawngte chu a kang fai a, Pathian chuan lei leh vân thianghlim a nei ta a, chu chu sualin a tina leh tawh lo vang. Kha leh chen thatna leh soal indona, Krista leh Setana inkâra mi chu a tâwpa, Kristan ro a rêl ta!

Chu mi nîah chuan khawi lamah nge awm i tum? Krista hnênah khawpui chhûngah chuan cheng a, chatuana chhandama awm tawh chu i thlang em? Damchhûng hian eng pawh i chungah thleng se, i nunna chu tûnah Isua kuta i dah chuan Krista hnênah khawpui chhûngah chuan tlante nêh i awm tawh dâwn a ni. Chu

chu i lo tilo a nih chuan, i thinlung chu Krista hnênah tûnah hian pe rawh, ani chuan ngaihdamna leh hmangaihna a lo pawm ang che. Hei hi i tân hun remchâng a ni. Hei hi i chhandamna nî a ni.

#### 8. LEI TIHFAIA SIAMTHAR

Rorêlna hnuhnûngberin a khawih leh tihchhiat te chu a tlenfai vek hnuah Pathian chuan lei thar a siam dân a ni.

**Tin, vâh thar leh lei thar ka hmu a; vâh hmasa leh lei hmasa chu an boral tawh a, tuifinriat pawh a awm tawh lo a ni. Tin, khaw thianghlim Jerusalem thar chu, mo a pasal ela a in chei anga inpeih diamin Pathian hnêna mi vâh ata lo chhuk ka hmu bawh a. Tin, lal̄h̄tutphah ātangin aw ring takin, “Ngai teh, Pathian b̄awkte chu mihring z̄ngah a lo awm ta, a ni chu an hnênah a awm ang a, anni chu amite an ni ang a, Pathian ngei chu an hnênah a awm ang a, an Pathian a ni bawh ang. An mit ata mittui zawng zawng a hrufai ang a, thihna awm leh tawh lo vang a, lungngaihte, ̄ah te, nat te pawh a awm leh tawh hek lovang; thil hmasate chu a ral ta..... Ngaitech thil engkim ka siam thar e.” Thup 21:1-15.**

Atîrtea a mawina p̄k lêt leh niin lei chu chhandamte (tlante) in a lo ni ta. Hmasialna te, natnate leh tuarnate a awm tawh lova, lei leh vâh chu duhtâwka fang thei leh in p̄awlhona duhawm tihpun z̄lna te, chatuan hun Isua ke bula a thu ngaihthlâk theihna, hriat belh z̄la in hmangaihtawnin kan awm tawh dân a ni. (Lei thar hrilhfiahna Kawhhamuhna 9-na ami hi a duh tân chuan chhiar nawn leh a ̄ha hle).

Hman aṭanga سوالنا chungah chuan a khuhna chu tlain khawvêl thar tâwpintai nei lo ropuina chungah chuan a lêng chhuak a. Isua, khawvêl lo thleng tûra Rorêltu chanchin chu heti hian kan chhiar a ni.

Rorêlna chu a kokiah a chuang ang a; a hmingah chuan Maka, Remruattua, Pathian Chaka, Chatuan Pa, Remna Lal an ti dâwn si a. A ram a zau zêl ang a, a ramah remnain tâwpintai a nei lo ang.” Isaia 9:6,7.

Chu Remruattua leh Chatuan Pa hnênah chuan chatuanin i awm thei tawh dâwn a ni. Khawvêla mite an in beih nâh chuan Jerusalem Thar khawpui chhûngah chuan i awm daih thei tawh ang. I nunna chu Isua kuta i dah phawt chuan, khawpui pâwn lama awm, chatuan atâna hloh an nih inhre tate hlauhna sawi hleih theih loh chu i hre ve dâwn lo a ni. Krista chu I chhandamtua I rin chuan, i chanchin ziakna chu rorêlnaa pharh a nih hunah Isuan, “A tân ka thi a, ka chanchin famkim chu ka hmangaiha tân a ni,” a ti dâwn a ni.

*Kan Pa duhtak, I dik avângin I chungah ka lâwm e. Isua leh ka tâna a tih tawh zawng zawng avâng te, nitina min tih sak zêl avângte hian ka va lâwm êm ! Khaw thianghlina cheng ve tûr leh chatuan chhandam ka nih theihna tûra Isua thihna avâng hian ka va lâwm em! A ni, ka Pa, kei pawh chu khawpuih chuan chêng ve ngei tûrin ka in buatsaih ve a ni. Englai pawha rinawm tûrin min pui la, hei hi Isua hmingin ka dil e. Amen.*

---

Published by  
Mizo Conference of Seventh-day Adventists  
Seventh-day Tlâng,  
P.O. Box 97, Aizawl 796 001, Mizoram